

სტუდენტის და პროფესიული სტუდენტის უფლებები და ვალდებულებები

1. სტუდენტს/პროფესიულ სტუდენტს აქვს უფლება:

- თავისუფლად გამოხატოს საკუთარი აზრი;
- მოითხოვოს ბნსუ-სთან დადებული ხელშეკრულების პირობების შესრულება, ხარისხიანი განათლების მიღების შესაძლებლობის უზრუნველყოფა და სწავლისათვის აუცილებელი პირობების შექმნა;
- მოითხოვოს მისი კანონიერი უფლებებისა და ინტერესების დაცვის, სასწავლო პროცესში თანასწორი მონაწილეობის, ცოდნის ობიექტური და სამართლიანი შეფასების, მიღებული შეფასებების გასაჩივრების შესაძლებლობის, არჩევანის გამჭვირვალობის და სხვ. უზრუნველყოფა;
- მონაწილეობა მიიღოს აკადემიური და მოწვეული პერსონალის და სასწავლო პროცესის ხარისხის შეფასების პროცესში და თავისუფლად გამოხატოს თავისი აზრი;
- მოითხოვოს და მიიღოს სრული ინფორმაცია საგანმანათლებლო პროგრამის და სასწავლო პროცესის ორგანიზების შესახებ;
- თანაბარ პირობებში ისარგებლოს სტუდენტთა ხელშეწყობის/მხარდაჭერის სერვისებით, ბნსუ-ს ინფრასტრუქტურით, საინფორმაციო, მატერიალურ-ტექნიკური და სხვ. რესურსით, მონაწილეობა მიიღოს ბნსუ-ს მიერ ორგანიზებულ ღონისძიებებში, გაცვლით პროგრამებში, პროექტებში, კვლევებში, ტრენინგებში და სხვ., ჩაერთოს შემეცნებით/შემოქმედებით საქმიანობაში, კოლექტიურ სამეცნიერო-კვლევით პროექტებში და განახორციელოს ინდივიდუალური კვლევითი საქმიანობა და ისარგებლოს ბნსუ-ში არსებული შესაძლებლობებით;
- იყოს სტუდენტური თვითმმართველობის წევრი, თანასწორი და სამართლიანი არჩევნების საფუძველზე არჩეული იყოს მის მართვის ორგანოში (სტუდენტის შემთხვევაში);
- თანასწორი და სამართლიანი არჩევნების საფუძველზე არჩეული იყოს წარმომადგენლობით და ფაკულტეტის საბჭოებში და მონაწილეობა მიიღოს მართვაში და გადაწყვეტილებების მიღებაში თანაბარი ხმის უფლებით;
- უარყოფითი (F, ჩაიჭრა) შეფასებების შემთხვევაში განმეორებით შეისწავლოს სასწავლო კურსები/პროგრამის კომპონენტები;
- არჩევითი სასწავლო კურსების/თავისუფალის კრედიტების კონცენტრაციით მოახდინოს მისთვის სასურველი საგანმანათლებლო პროფილის ფორმირება (უმადლესი საგანმანათლებლო პროგრამების შემთხვევაში);
- შეწოდოს გარეშე მიიღოს გადაწყვეტილება და გამოიყენოს სტატუსის შეწყვეტის, შეჩერების, აღდგენის და საქართველოს კანონმდებლობით დადგენილი წესით ბნსუ-ში შიდამობილობით განათლების იმავე საფეხურის საგანმანათლებლო პროგრამით ან მობილობით სხვა საგანმანათლებლო დაწესებულებაში სწავლის გაგრძელების უფლება;
- საქართველოს კანონმდებლობის შესაბამისად სახელმწიფოსგან, საგანმანათლებლო დაწესებულებისგან, სხვადასხვა ფონდებისგან/ორგანიზაციებისგან, კერძო პირებისგან ან სხვა კანონმდებლობით ნებადართული წყაროდან მიიღოს სტიპენდია, ფინანსური ან მატერიალური დახმარება და სხვა შედეგადად;
- დისციპლინური დევნისას განახორციელოს კანონმდებლობით და წინამდებარე შინაგანაწესით მინიჭებული უფლებები, სასამართლოში გაასაჩივროს მის მიმართ მიღებული გადაწყვეტილებები;
- ისარგებლოს ბნსუ-ს მარეგულირებელი დებულებებით/წესებით გათვალისწინებული შესაძლებლობებით და საქართველოს კანონმდებლობით გარანტირებული უფლებებითა და თავისუფლებებით.

2. სტუდენტი/პროფესიული სტუდენტი ვალდებულია:

- შეასრულოს ბნსუ-სთან დადებული ხელშეკრულების პირობები და მოთხოვნები;
- ბნსუ-სთან დადებული ხელშეკრულებით დადგენილი წესით (ვადებში და ოდენობით) გადაიხადოს ბნსუ-ს მიერ დადგენილი ოდენობით სწავლის საფასურის (სრული თვითდაფინანსებით სწავლის შემთხვევაში) ან ბნსუ-ს მიერ დადგენილ სწავლის საფასურსა და დოკუმენტურად დადასტურებულ გრანტს/დაფინანსებას შორის არსებული სხვაობა (ნაწილობრივი თვითდაფინანსებით სწავლის შემთხვევაში), შეასრულოს ყველა ფინანსური ვალდებულება;
- შეასრულოს მის მიერ არჩეული საგანმანათლებლო პროგრამის მოთხოვნები, ისწავლოს საგანმანათლებლო პროგრამით გათვალისწინებული ყველა სავალდებულო კურსი/კომპონენტი და ის სასწავლო კურსი, რომელიც საკუთარი სურვილით აირჩია;
- მართლზომიერად ისარგებლოს ბნსუ-ს მატერიალურ-ტექნიკური რესურსებით;
- გაუფრთხილდეს ბნსუ-ს ტრადიციებს და რეპუტაციას;
- დაიცვას ბნსუ-ში მოქმედი ეთიკის და აკადემიური ეთიკის კოდექსები და ქცევის წესები და შეასრულოს საქართველოს კანონმდებლობის, ბნსუ-ში მოქმედი შინაგანაწესის და სხვა მარეგულირებელი დებულებების/წესების მოთხოვნები, ადმინისტრაციის, წარმომადგენლობითი, აკადემიური და ფაკულტეტის საბჭოების კანონიერი გადაწყვეტილებები.